



Bosnia and Herzegovina
Federation of Bosnia and Herzegovina
CANTON SARAJEVO
**Ministry of Physical Planning Construction and
Environmental Protection**

Broj: 05-19-37535/20
Sarajevo, 13.10.2020.godina

SKUPŠTINA KANTONA
N/r gosp. Mirza Čelik, Predsjedavajući
OVDJE

Predmet: Očitovanje na zastupničku inicijativu Neire Dizdarević – dostavlja se

Ministarstvu prostornog uređenja, građenja i zaštite okoliša dostavili ste zastupničku inicijativu zastupnice Neire Dizdarević postavljeno na 29. Radnoj sjednici Skupštine Kantona Sarajevo, održanoj dana 28.09.2020.godine, u okviru tačke Dnevnog reda „Poslanička/zastupnička pitanja, inicijative i odgovori“ koja glasi:

„Podnosim inicijativu za što hitnije uspostavljanje vodozaštitne zone i otpočinjanje aktivne zaštite područja Crne Rijeke Općina Trnovo, ukoliko je to zakonski moguće prije izrade glavnog projekta u vezi vodosnabdijevanja, jer izvoršte pitke vode Sarajevsko polje je prekapacitirano i svakim danom sve više ugroženo, te se projekat vodosnabdijevanja sa buduće akumulacije Crna Rijeka treba što hitnije otpočeti.“

S tim u vezi ističemo slijedeće:

Ministarstvo je predmetnu inicijativu tretiralo u okviru svoje nadležnosti u smislu primjene odredbi Zakona o prostornom uređenju Kantona Sarajevo.

Zakonom o prostornom uređenju Kantona Sarajevo („Službene novine Kantona Sarajevo“, br. 24/17 i 1/18) propisani su principi planskog uređenja, korištenja, zaštite i upravljanja prostorom. Planskim dokumentima utvrđuje se uređenje prostora, a naročito namjena površina, upravljanje i način korištenja prostora, te infrastrukturni sistemi i zaštitni pojasevi infrastrukturnih sistema.

Prostornim planom Kantona Sarajevo od 2003. do 2023.godine („Službene novine Kantona Sarajevo“, br. 26/06, 4/11 i 22/17) u poglavlju 2.11. Vode, vodne površine i vodna infrastruktura predviđena je Akumulacija Crna Rijeka.

„Akumulacija Crna Rijeka, sa branom i pratećim objektima, kao i ostali objekti infrastrukture koji osiguravaju višenamjensko korištenje voda, čine jednu cjelinu i u tehničkom i funkcionalnom smislu predstavljaju višenamjenski vodovodni sistem. Cilj izgradnje ovog podsistema je prvenstveno da zadovolji narastajući potrebe za vodom u Kantonu Sarajevo na optimalni način.“



Dakle, s aspekta primjene Zakona o prostornom uređenju Kantona Sarajevo i planskog uređenja prostora predviđena je akumulacija Crne Rijeke, uključujući zaštitne zone i zaštitne pojaseve.

Pitanje što hitnije uspostave vodozaštitne zone i otpočinjanje aktivne zaštite uređeno je Zakonom o vodama Kantona Sarajevo („Službene novine Kantona Sarajevo“, br. 18/10 i 43/16). Navedenim Zakonom uređuje se pitanja organizacije i načina obavljanja poslova upravljanja vodama koji su Zakonom o vodama ("Službene novine Federacije BiH", broj 70/06) preneseni u nadležnost Kantona Sarajevo. Upravljanje vodama u smislu Zakona obuhvata korštenje voda, zaštitu voda, uređenje vodotoka, zaštitu odštetnog djelovanja voda i organizaciju upravljanja vodama, a što je u nadležnosti Ministarstva privrede Kantona Sarajevo.

S poštovanjem,

Dostaviti:

- ① Naslovu
- Vlada KS
- a/a



MINISTAR

Faruk Kapidžić, dipl.ing.arh.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

